

清代宜臺人文獻選編 第六種

劉家謀全集彙編

(二)

劉家謀 撰

東
洋
小
草

序

丁未春余將有永安之行芑川從甯德郵詩示余讀之
喟然歎曰詩不窮不工芑川詩工矣然則芑川遇窮乎
芑川早擢科名逾壯司訓甯德甯士悅之曷窮乎爾嗟
乎芑川之才豈止於是哉芑川少時銳志於功名之途
思有所表揚於世既而失怙恃唯恐稍墜家聲循循於
禮法之中不敢一毫自肆家中艱大之事以身獨任之
俾弱弟有所成就芑川之用心可謂勞且苦矣設令芑
川以之治家者出而措天下事其所造就不更有大耶

乃屢應禮部試僅得冷官歸無干進意此豈俗士之所
能與俗士之所知哉且夫士君子具大有爲之資當有
可爲之時蒿目時事之艱難無可藉手嗒然以箸述自
娛何其悲也遇有心人輒復呼酒命酌撫髀擊筑引燭
看劍歔歔扼腕狂歌以當泣雖令其所著詩歌著之當
世傳之無窮稱之曰某地某某能詩某代某某能詩反
之若人之心其若是耶其不若是耶此芭川之詩之所
以工也嗟乎言念及此余神傷矣道光二十七年三月
二十日同邑弟黃宗燧拜序

序

人生天地之間朝而起夕而息于于然猶猶然乃忽悲
忽喜忽嬉笑忽怒罵忽痛哭於是有以爲狂者爲癡者
爲愚且慙者是耶非耶果何爲耶且夫水之載物以物
之輕重爲量重者見深輕者見淺維人於世亦然量至
於是見至於是見至於是言至於是悲耶喜耶嬉笑耶
怒罵耶痛哭耶彼其所見迫之也狂之者癡之者愚且
慙之者非故爲違心之言也量爲之也然而此方茫然
略然彼且呿然嘻然又何爲耶吾烏從而辨之耶烏虜

序

吾且與之讀芑川之詩長樂弟謝章鉉序

十

一百九十一

自序

初秋取庚寅以來詩刪存五之一爲外丁卯居士初臺
八卷付之剞劂氏茲續編丙午四月以後詩四卷題曰
東洋小草併詞一卷附焉校官有轉移風俗之責余譴
劣不能以身教人事錯迕動違其志不得已託諸空言
昔人譏謝安石處爲遠志出爲小草殆爲余誦也存之
亦足備曠職者之戒云戊申立冬日家謀書於東洋學
署

東洋小艸目錄

卷一

古今體詩四十一首

卷二

古今體詩四十三首

卷三

古今體詩七十三首

卷四

古今體詩一百四首

增研劍詞五十七關

榕城主友士雋字

東洋小艸第一

詩存二

丙午四月

侯官劉家謀芭川

過北嶺

宦溪北去水潺湲飛鳥南歸不斷羣上嶺那堪重下嶺
回頭已失故山雲

嶺上謠

諺有湯嶺兜北嶺
頭之語因足成之

湯嶺兜北嶺頭郎賣茶儂賣油賣茶四月去未返歸家
空對滿缸油雙鬢蓬飛爲誰挽

駝嶺遇雨

凌晨忽風雨百折歷孱顏弱歲已奔走勞身亦等閒獨
憐兒女小未慣道途艱忍淚牽衣問家鄉何日還

阻雨宿上樓

風雨晚不息山行多渾泥兩程百里餘猶未過雙溪輿
夫前告我力竭防顛躋行役豈不急聞之心惻悽况覩
僮僕困兼憐兒女嘯同是在異鄉行止義亦齊衆情俱
欲息何必相乖睽君看時桀上喔喔羣雞栖

過三層嶺古松夾道似鼓山萬松關惜汨於風塵

少清趣耳詩以弔之

風光略似萬松關
石磴重重翠黛環
獨惜摧殘任斤斧
託根誤在道途間

度白鶴嶺

凌風跨白鶴
天半影徘徊
石氣化雲出
日光渡海來
峯巒胸際起
城郭眼中開
鬱鬱松杉列
輪囷幾許材

寄福州諸友

簾外雨潺潺
持杯淚欲潛
亂雲遮白鶴
咫尺不能攀
況我同心者
相思千里艱
因風遙問訊
何日共開顏

衙齋偶興

殘淚金臺總未乾
廿年辛苦厭征鞍
一官近接枌榆地
八口分嘗苜蓿餐
鸞鶴山光晴更好
魚龍海氣夏猶寒
閉門閒散無多事
新種檀欒竹幾竿

東城上觀競渡

蜃樓蛟室幻無端
楊僕戈船力已殫
可惜淩波好身手
海濱只博堵牆觀

竹醉日招諸生課文明倫堂作

久甘腐草忽春風
一氣居然沆瀣通
遂使官寒心愈熱

可知分異趣原同
卒亭乍喜來劉子
絳帳終慙設馬公
夜半七星橋上望
文光已射斗墟紅

海嶠烽煙暗未開
正須英俊出蒿萊
卻看俞戚籌兵地

重憶林黃濟變才

宋林仲虎黃裳禦金師有功並邑人也

騏驎不愁終伏

匿梗楠何術與栽培
高歌青眼無窮望
長劍森森拔幾回

磊落榕南幾故人
河梁五字別經旬
舊時贈答渾如夢

到處文章總有神
卓筆峯光凌萬仞
題詩石色照千春

風流誰繼成齋後

明邑人林保童號成齋爲諸生時訓導林養之嘗稱曰林生之作如一片